



ᓄᓇᓂ ᐃᓯᐸᓕᓗᓂᓴᐅᓐᓂᓐ

ᓴᓐᓴᓇᓗᓕᓂᓐᓴᓐᓂᓐ ᑲᓂᓴᓴᓐᓴᓐ

Nunavut Liquor and Cannabis Board

Nunavunmi Tanngaliqinirmut Higaarlungniklu Katimayiit

Société des alcools et du cannabis du Nunavut

Nunavunmi Tanngaliqinirmut Higaarlungniklu Katimayiit Ukiuq Tamaat Titiraa 2018-19

August 27, 2019

Tuniyauyuq uumunga:

MALIGALIUQTI GEORGE HICKES

MINISTA MANILIQIYINI

MINISTA MUNARIQAQTUQ

NUNAVUT TAANNGALIQINIRMUN HIGAARLUNGNIRMUNLU KATIMAYIIT

NUNAVUT KAVAMANGA



2018 min 19 mun Ukiuq Tamaat Titiraa Nunavutim Taangaliqinirmun Higaarlungnirmunlu Katimayiita

Pidjutigiplugit Nunavunmi Tanngaliqinirmut Higaarlungniklu Katimayiit, quviahuktun'nga tunihiyaami ukiuq tamaat titiraannik taapkununga Nunavunmi Tanngaliqinirmut Higaarlungniklu Katimayiit ihivriuqtauyutlu maniliqidjutit titiqqainnik Katimayiita auladjutainnut maniliqinirmun ukiunggani March 31, 2019.

Una titiraaq tunijauhimaajuq malikhugu ilanga 9(1) uvani Nunavunmi *Taangakut Maligaa*.

TERRY DOBBIN, Ikhivautalik
Nunavunmi Tanngaliqinirmut Higaarlungniklu Katimayiit



HIVUNIKHALIURUNMUT TITIRAA:

Hivunikhaliurutaa Nunavunmi Taangaliqinirmut Higaarlungniklu Katimayiit nakuuyumik pidjutinahuaquyut hivuliqtiulutik maliguararhaqaqlutik maligait munariniqattiaqlutik atugahuagumik taangakmik Nunavunmi.

Havaaqhait Hakugingnikhaitlu taapkuat Nunavutim Taangaliqinirmun Higaarlungnirmunlu Katimayiita:

1. Tamaita Katimayiita ihumaliuqtait piliuqtukhat nakuatut maliklugit Nunavut Taangaliqinirmut Maligaa Maliguarutaitlu, aadlatlu aturutiaqtuni maligani atugakhanilu Katimayiita.
2. Angiqtauhimayuq Minista piliuqluni malikkuutikhanik ihuinniqanggittumik Maligaqmun, Katimayiitalu piyukhat maliklugut malikkuutikhat.
3. Katimayiita atanniqtuigutiniaqtait
 - a. Hivuliqtiulutik laisqaqtunut.
 - b. Munaqtiulutik tamayanutlu laisqaqviugiyaunyuni.
 - c. Qanurinmanggaatu humi niuviktittiyut taangakmik imiktittiyutluunniit laisqaqviugiyaunyuni.
4. Katimayiita pittaaqtut imaa:
 - a. Tunihilutik, nutaanguqlugit nuutiqlugit laisiit.
 - b. Naalakthuiqata, taimaaqlugu nutqaqtikaffuklugitluunniit laisiit.
 - c. Ilitturipkadjavat Minista tamainnik atugakhatigun, maligaliqidjutikkut titiqqiviliqidjutikkut pidjutiaqtut niuvvaaviliqinikkut, tuyurniq imingnirmunlu taanngaqmik.
 - d. Maligahaliuqlutik pitquilitluunniit ataniudjutikhanik katimadjutimingni.

Atanniqtuidjutaa: Taangakut Maligaq, s.6



Ilauyut Nunavunmi Tanngaliqinirmut Higaarlungniklu Katimayiiinni: 2018-19

Katimajiujut Katimajiinni tikkuqaqtauhimajun malruuknik ukiuni.

Terry Dobbin, ikhivautalik, Iqaluit

Tikkuaqtauhimajuq: May 18, 2016

Tikkuaqtauffaaqtuq: May 18, 2018

Tikkuaqtaujuq ikhivautarmun: October 5, 2017

Miranda Atatahak, katimaji, Kugluktuk

Tikkuaqtauhimajuq: October 5, 2017

Robert Jancke. katimaji, Iqaluktuuttiaq

Tikkuaqtauhimajuq: May 18, 2016

Tikkuaqtauffaaqtuq: May 18, 2018

Qilak Kusugak, katimaji, Iqaluit

Tikkuaqtauhimajuq: October 5, 2017

Leesa Sowdluapik, katimaji, Mittimatalik/Iqaluit

Tikkuaqtauhimajuq: November 30, 2007

Tikkuaqtauffaaqtuq: November 9, 2009

Tikkuaqtauffaaqtuq: September 20, 2011

Tikkuaqtauffaaqtuq: September 20, 2013

Tikkuaqtauffaaqtuq: October 5, 2015

Tikkuaqtauffaaqtuq: October 5, 2017

Katimajiimi Ilauyut Naunaitkutait

Terry Dobbin (ikhivautalik)

20 ni ukiuni nunaqaqhimayuq Nunavunmi, Terry akhuuqpaktuq nunallaami pidjutiapluni hapkunanut Nunavutim Taangaliqinirmun Higaarlungnirmunlu Katimayiita.

Nunalipauyarmi Iqalungni katimayiuyuugaluaq, Terry ilauyuq tamangni Nunalipauyaq Iqalungni Nunavut Kavamanganilu katimayiinni. Ikhivauqatigiyauyuq nunalipauyam pivalladjutikhanut katimayiini ilaupluni pivallianikkut Nunalipauyarmi Iqalungni Nunallaani Pivaliavikhanut Upalunggaiyaiyini nunalipauyamlu ihumaliutqiqtukhanik upalunggaiyaidjutainni. Turaangahimajait katimajiupluni pimmarigharumanikkut naunalipaujap auladjutainnik kiujumaplugillu iglukhailliuqnikkut ihumagijaujut.

Ilauhimatilluni nunalipauyap katimadjutaini aullaqattaqhimmaaqhunilu Nunavutim avikturviinnut Qikiqtaalurmun, Kitikmeot, Kivalliqmunlu, Terry kangiqhittiaqhimayait nunallaani aktungnagiyainnik pivikhaqangniillu pidjutihimayut pidjagiktumik nunallaami pivalliaivikhainnut. Ilautinnani Nunattiaqmi Nunavunmilu Katimayiini Uyararhiurnikkut, havaghimavaktuq taigualiuqtuni tuhaararhanik Northern News Services naunaittuq talvani Iqalungni. Terry nanminiqaqhunilu nunavut nunalipauvianni.

Terry iniktigutiqaqtuq ilihaqhimayaanni hitamani ukiuni hunaliuqtiuyunik University Ilihaqvikyumi New Brunswick mi, Fredericton, New Brunswick mi, iniktigutiqaqhunilu inungmiuliqidjutikkut qauyimayaamilu ilihaqpaktuq Champlain Avikturvianni College Ilihakvikyumi Lennoxville, Quebec mi, maligaliqidjutikkutlu iniktigutiqaqtuq Academy Kanata ilihakvikyuangani Corner Brook, nunaanni Newfoundland mi. Aliagiyait hulilukaariami iqalukhiurniq, kitaangniq haakiqtunilu.

Leesa Sowdluapik

Leesa pamirhimayuq Pangniqtuurmi, Nunavut, tadsa nunaqaliqtuq Iqalungni. 2000 mi, Leesa havalihaaigami havaanikpaktuq Nunavut Kavamatkuni. Talvanga ilauliqhuni Nunavut Kavamatkuni, Leesa havakpakhimayuq tingmiyukhanik tutqikhaivakhimayuq, havaktunik pivalladjutikharnik ayuittiagiikhimayuq maniliqidjutingnilu havaktiuvakhuni talvani Havagviani Munarhiliqiyitkutni Ikayuuhialiqliyuniklu Iqalungni, havaktuniklu nuutiqhimaqtunik havaktiuvaktuq Havagviani Ilinniaqtuliqliyitkutni, Qikiqtaaluk Ilihaqtuliqliyitkut Aulatitiyunik Mittimatalikmi. Hadja havakhimaqtun Nunavut Ilihaliarpaarvigmi havaktuliqliyitkut nuutiqhimaqtunik havagiaqtuqhimaqtunik titiqiqidjutiliqliyuniklu tutqikhaiyi.

Mittimatalikmi, Leesa ilauvakhimayuq Hamilaatkut katimayiini uvanilu inuuhirinikkut ikayuuhialiqliyuniklu katimayiini, taima munagivakhimayut angirutigivakhimayaingit taaninik uuktuutikharnik nunalaangani. Leesa tikkuagtauhimayuq Nunavunmi Tanngaliqinirmut Higaarlungniklu Katimayiinni December 2007 mi, hadjalu kivraqtuihimmaqtuq siksini ilaudjutiminut.

Qilak Kusugak

Qilak Kusugak, tikkuqaqtauhimayuq Nunavunmi Tanngaliqinirmut Higaarlungniklu Katimayiinni 2017 mi, hadjalu nunaqaliqtuq Iqalungni kihimi nutagaupluni Kangiqlinirmiittuq. Qilak aulapkaingnguvaktuq Atuliqtittinirmunni Nunavut Tunngavikkunni 2015 min, havaaqaqpakhuni Kivalliq Inuit Katimayiini, Nunavut Kavamainni Nunavut Upalunggaiyainirmun Katimayiinilu.

Qilak 12 luni ukiuni Katimaqataungginnaktuq, havakpaqhunilu Nunavut Imaliriiyini, Nunavut Pivikhaqautikkunni Kuapuraisinganni Kivalliq Uyararhiuqviit Ilihaivikhanut Katimayiinnilu. Havaagiliqtaa nunallaanilu havakpaqhimayainniklu angginirmik nakuuqpiiaqtumiklu iniktiriniaqtuq Nunavunmi Tanngaliqinirmut Higaarlungniklu Katimayiinni. Qilak nulanilu Denise inulramiiniq nutaraqaqtun; pania Taylor irningalu Dylan.

Miranda Atatahak

Miranda Atatahak ilauqatauyuq Nunavunmi Tanngaliqinirmut Higaarlungniklu Katimayiinni talvamin October 2017. Nutagaupluni inirningguqtuq Kugluktumi, Miranda havaaqaraaqpaktuq havaaqhaqhiurnikkut nunallaami saivanni ukiuni kivraqtuhimaangginnaktuqlu aadlatkiingni hulipkainahuaqtuni ilauplunilu Nattiq Frolics ni Kulaisimangnaqhitinnagulu hulilukaagutikhainnik katimayiinni. Miranda hadja Tugliuyuq Miiyamun Hamlatkunni Kugluktumi. Kinggunngani katimaqatauvaktuq Kugluktup Ilinniangnikkut Katimayiinni Kugluktuk Hivumut Upalunggaiyainirmun Atuqtakhanikmilu.

Mirandap ilaudjutaa inuulrammiinut kivraqtuivakhuni Nunavut Taanganik Maligaa Ihivriungnikkut Havaktauviuyukhani ilauyuq 2010 min 2012 mun talvuuna ayuiqhaqtitaupiaqhimayuq nalunggittukhaiqhugit *Taanganik Maligaata*, ilaungmat Nunavunmi Tanngaliqinirmut Higaarlungniklu Katimayiinniikayuutigiyauqpiangniaqtuq ilaayunut.

Robert Jancke

Bob Jancke nunaqatauhimavaktuq Nunavunmi Kitikmeoni 35 ni ukiuni, nanminiqaqhuni aulavaktiulluaqtuqlu Nanook Woodworking Ltd. ni Iqaluktuuttiami; nappaktirinirmu kaantraaliqivakhuni nanminiqarnirmunlu munagidjutikhanik havagviuvakhuni.

Bob kivraqtuhimmaangginnaktuq Iqaluktuuttiami talvamin 1994, kivraqtuivakhunilu qaptiriiyini, tanniqtiuplunilu nukaqhiinnut haakiqtuni, ikayuqhimmaaqhunilu maniliurnahurittuni amigaittut inuulrammiit nunallaamilu hulikaagutikhainnut. Nanminiqaraluaqtilluni an'ngiyuanggittumik, Bob ikayuqpiiaqpaktuq nanminiqinikkut nunallaamilu atuqpaghimayainnik ikayuutiniaqtut Katimayiimun, May 2018 milu tikkuqaqtauhimayuq tugliuliqhuni katimadjutikhaminut. Bob aliagiyait iqatiyaami ilait, hulilukaariami ahiqpani hananirmunlu.

Havaanga Katimayiita

Nunavunmi Tanngaliqinirmut Higaarlungniklu Katimayiinni (NLCB mik naunaittuq) inungnut maligaliqidjutinut timiuyut piliuqtauhimaplutik ataani Nunavut Taangaliqinirmut Maligaa. Katimayiitap hivunikhaa, havaaqhait atanniqutidjutaitlu titirarhimayut haffuma titiraanni naunaiyagiikhimayutlu Ilanga 6 mi Taanganik Maligaanni. Atuliqqat October 2019, Katimayiita havaaqaangniaqtutlu hiraaglurnikkut laisikhainnik. Ilangginni 13 16 lu talvani *Higaarlurnikkut Maligaani* naunaiyagiikhimayut havaanga katimayiita (naittumik titirarhimayut makpirvianni 7 haffuma titiraani).

Malikhugu *Taangaliqinirmut Maligaa*, Katimayiita munariniaqtut amirinikkut qanuriliurutainni laisigaqtuni, aulapkainingani tamayainnilu laisigaqtuni igluqpani, qanurittukhanilu inningit taimaatun taangait niuvgutaugumik imiqtaaqtainnikluunniit laisigaqtuni igluqpani. Havaktauyaangginnik munariyaqaqtunik, Maligaa pivikhaqaqtuq Katimayiita atanniqutidjutikhainnik tunihiyaangginnik, nutaanguuffaaqlugut nuutiriamilu laisinik, imaalu naalaktiulutik nutqanggakaffuriangginnik taimaaqtitalutikluunniit laisigiyaayumik.

Katimayiita unniutivikhaqaqtut Ministamun munariyaqaqtumunNunavut Taangganik Higaaglurniklu Katimayiitanut uqaudjauyiulutik Ministamun tamainnik atugakhanik, maligaliuqtauhimayunik titiqqidjutiviliqidjutiniklu pidjutihimayut niuvvaanikkut, tuniqhainirmun niuqqangnirmunlu taanganik.

Katimayiita hivunikhaa imaa piyukhat hivuliqtiulutik munarilugut maligaliqidjutit atuqtuaqtittinahuaqlutik inungni taanganik Nunavunmi. Katimayiita havaaqaqtut laisigaqtunut havattiangnahuaqlutik tamaita hivunikhaatigut, nakuuyumik havaqatigiittiaqlutiklu nanminiaqaqtunut katimayiuyunutlu kitunut tuniqhaivaktainnut laisikhainnik.

Katimayiita katimavaktut hitamani atauhirmi maniliqiiyt ukiuganni havaktauyaangginnik havaktauyukhat, piumayaayut, uuktuutit ihumaliugutaayutlu tahapkunanut.

Katimadjutikhatigut katimavaktut March mi ukiuq tamaat anggiriarningnik nutaanguuffaaqtukhanik laisiit nutaamun ukiuqhamut, laisigaqtauvikhaungmatlu ukiungannut. 2018 min 19 mun, katimadjutitigut katimavaktut June mi October 2018 milu, January March milu 2019 mi.

Aularaanginnaqtun taapkuatut piumayainnik aadlangguqtukhanik ikaangniit aulavikhainnut, anggirutikhamut niuviriami aadlatkiingnik taanganik takunaittunik iliqpiinni kavamatkut taanganik tutquumavianni, anggirunmiklu hulinahuaqtuni anggiqtaudjutikhamik havaktauvaktunik qaritauyakkut pidjutihimmaaqpaktunik.

Nunavut Taanganik Higaagluinnikutlu Katimayiita pinggittut naalaqtakhainnik inuit 2018 min 19 mun.

Piliurniq Nunavut Taanganik Higaarlurnikkutlu Katimayiita Qaritauyakkuugutikhaat

2018 min 19 mun Nunavut Taanganik Higaarlungnikkutlu Katimayiita qaritauyakkuugutaa ihuaqhaqtauvaktuq hadjalu ilaliutiyut pidjutyariikhimayumik Nunavut Kavamanga qaritauyakkuuguta. Nutaaq qaritauyakkuugutaa ayurnaittuq aturiami ihuaqhunilu atuqtianinga laisiliqidjutikkut hulinahuaqtunutlu anggiqtaudjutikhamik piutinga.



Naunaiyaqtauvikhanik Naalaktauyukhat

Qakungnguraanggat, Katimayiita havaagivaktait ihuigiyaayunik tuniyaayut Taangatigut Maligaliqiyyit, ihuittuqaqqat *Taangaliqinirmun Maligaa Taangatigut*

Maliguararhaitgutluunniit laisiquaqunit unniudjauvaktunik. Hapkunani, malikhugu havaktakhamikni ataani ilangani 6(2)(a) *Taangakkut Maligaqmi*, taaman hivuliqtait Katimayiita amirilugit havaktainnik laisiquaqut, Katimayiita pitquniaqtaat laisiquaqutun qaitquplugit naalaktitauqlutik huuq laisinggit taimaaqtitauffuktukhaunggittut, taimaaqtukhaunggittut maliktuutikhaliuqanggillutikluunniit imaalu imaaluunniit akiliqtayukhanik akiliqtuiquyaulutik malikhugit ilangginni 35 min 37 mun *Taanganik Maligaanni*.

Qaanggiutilihaaqtuni kaffini ukiuni, nampait ihuinaaqtauyunit laisiquaqunit talvunggauquyauvaktunik Katimayiimut ikiqliyuummiktut. Maniliqinikkut ukiunggan 2018 min 19 mun, Katimayiita malruungnik naalaktauyukhanik pivaktut.

Royal Canadian Legion 168 (Imikvik)

Nunavut Taanganik Higaarlungniklu Katimayiita naalakpaktut October 3, 2018 mi naunaiqhinahuaqhutik ihuinaarutait maliktaungginmatta *Taangaliqinirmun Maligaa Maliguararhaitlu* pidjuthimayut pittiaqiplugu auladjutait Royal Canadian Legion 168 (Imikvik), Iqalungni, laisiquaqut taangaliqinirmun laisiutaa nampaa 014.

Nalaaktillutik, Laisiquaqut ihuinaaqtumik uqaqtuq malruungnik ihuinaaqtuqaqtuq malingginamiuk taangat maligaliqidjutait pipkaingmat iminggayut talvaniipkaqhugit laisiquaqumi igluqaata.

Katimayiita angiqitait atauttimun pidjutaayut ihuinaagutigiyayut Laisiquaqutun Taanganut Maliktauyukhat ihuaqtumik ihuinaagutaatigut akiliqtakhangguqtuq, akiliqtakhangguqtuqlu atauttimun \$8,000 tausintaala, taimaatunlu laisinga taimaaqtitauffuktauniaqtuq atauhirmik ubluq tahapkuat Royal Canadian Legion 168 (Imikvik) pilutik Pinggatiut, October 10, 2018 mi.

B.P.O Elks Lodge, Branch #570

Nunavut Taanganik Higaarlungniklu Katimayiita naalakpaktut October 3, 2018 mi naunaiqhinahuaqhutik ihuinaarutait maliktaungginmatta *Taangaliqinirmun Maligaa Maliguararhaitlu* pidjuthimayut pittiaqiplugu auladjutait Royal Canadian Legion 570 (Imikvik), Iqalungni, laisiquaqut taangaliqinirmun laisiutaa nampaa 003.

Nalaaktillutik, Laisiquaqut ihuinaaqtumik uqaqtuq atauhirmik ihuinaaqtuqaqtuq malingginamiuk taangat maligaliqidjutait pipkaingmat iminggayut talvaniipkaqhugit laisiquaqumi igluqaata.

Katimayiita angiqitait atauttimun pidjutaayut ihuinaagutigiyayut Laisiquaqutun Taanganut Maliktauyukhat ihuaqtumik ihuinaagutaatigut akiliqtakhangguqtuq, akiliqtakhangguqtuqlu atauttimun \$4,000 tausintaala, taimaatunlu laisinga

taimaaqtitaukaffuktauniaqtuq atauhirmik ubluq taapkuat B.P.O Elks Lodge, Branch #570 Pinggattiumi, October 10, 2018.

Havaanga Katimayiita Higaarlurnikkut

October 17, 2018 mi, Higaarlurnikkut maligaliqidjutauvaktut aturiami Kanatami.

Maligaliurvik pigiaqtittaat *Nunavutim Higaarlurnikkut Maligaa* auyami 2018 mi, 19 nik ukiuqaqtukhat atuinnaqiyaaami, pipkaiplutik aimmavingmi hitamanik nauvikhanik, pitquplutiklu munariniqangnikkut tahapkununga niuvviktauyukhanik tuniqhainikkutlu taapkuat Nunavutim Taanganik Higaarlurnikkutlu Katimayiita.

Hadja Nunavunmi, niuvrutauyut higaarluit qaritauyakkuungginnaqhutik, havaktikkut piplutik Taanganik Higaarlurnikkut Katimayiitanit. Atuliqtilluni March 2018 min 19 mun, Katimayiita malruungnik havaktiqaliqtut agyaqtitauplutiklu higaarluit Nunavunmiunut qaritauyakkuugutivaktut niuvvaaviit. Katimayiita qiniliqtut kaantraaktittiumaplutik aadlanut havakviuyunut hivuni pipkaiyaami aadlatkiingnik niuviyuktunut.

Ataaniu Nunavutim Higaarlurnikkut maligaliqidjutaita, niuvvaaviit higaarlurnik, un'ngahiktumi niuvvaaviit, higaarluriami ikhiviuvvaaviit, piqaqtukhat higaarlurnikkut laisimik, tuniyauyukhaq Atan'nguyamin Laisiliqiyini. Taimaatuunggittuq taangatigun laisikhainnik, Nunavut Taangaliqinirmun Higaarluniku Katimayiita munariniqalimaittut tuniqhaiyaami higaarlunigik laisikhainnik, kihimi uuktuffaagumayunut laisikhamik katimayiuniaqtut, naalaktiulutik malikhailiungnguqlutik uuktuffaagumayunut laisikhainnut nutaangnguuffaangnikkut ihuinaagutaatigut akiliqtuiyukhatlu.

Katimayiita Nunavut Kavamangalu iniqhimanggittumik havaktut havaaqhainik laisliqidjutikkut, niriututlu takuyaami laisiquaqviinnik nunaptingni 2020 atuliqqat.

Katimayiuyut Taangaliqinirmut Laisikhainnik Atanniqtuiviit Kanatami

Katimayiita Taangaliqinirmut Laisikhainnik Atanniqtuiviit Kanatami (ALAC mik naunaittut) kanatami tamaat katimayiuyut taangaliqinirmut laisikhainnik nunainnit kivraqtuiviqaqhutik tamainni kanatap avikturviinni ukiuqtaqtumilu. Katimayiit katimavaktut malguiqtukhutik atauhirmi ukiumi ikhivautaqalu talvani Nunavut Taangaliqinirmut Higaarlunigikkutlu Katimayiita katimakatauvaktuq kivraqtuipuni Nunavunmit. Uqautauvaktut katimadjutini taanggakkut maligait maliguararhatlu, tuniqhainirmun ilihaidjut, nutaangguqtirinirmun laisiit qanuqtun piyukhat inungnilu munariniqatut piyakhait.

2018 min 19 mun, Katimayip Ikhivautaa, Terry Dobbin ilauvaktuq Auyami ALAC katimadjutaa June 2018 mi Winnipeg, Manitoba mi, talvanilu Ukiumi ALAC katimadjutaa February 2019 mi, Toronto, Ontario mi.

Itqaumattiaqtakhait uqariyauyut katimadjutimi taapkuangnguyut: higaarlungnikkut atuqtautaalaqinik; tuhaqtittiyut akikhaliuqpaktutlu havakhimmaaahutik; aadlanggunniit qanuqtun piyukhat laisiliqinikkut; imaalu, tuhaqtipkaiyut aadlatkiingniit tigonmidjutiaqtut katimayiit, taapkuatlu Kanatian Katimavia Taanganik Higaarlukniklu Atuqpaqtut Ipiralimaituqaqtunlu.

Aadlanggunnia Katimayiita Atia

Malikhugu atuqtaalaqinia
higaarlungnikkut October 2018 mi -
Katimayiita nutaq havaanga
higaarlungnikkut laisikhaitigut -
Katimayiita aadlangguqtaat atia



talvamin Nunavut Taangaknikkut Laisikhait Katimayiitamin, uumamut Nunavut Taangaknikkut Higaarlungnikkutlu Katimayiita. Katimayiita pidjutihimmaaqut nuutirinirmun inungni takuttaaqtainnik titiqqait, iniktiqtukhauyut titiqqat qaritauyakkuugutaalu ilaliutiumaplugu nutaa atia.

Aadlanggunniit Taanganikkut Laisiit Nutaangguqtukhauyunik Qanuqtun Piyukhat

2018 min 19 min Nunavut Taangaliqinirmun Higaarlungnikkutlu Katimayiita havakpiaqpaqtut nakuuhivallianahuaqhugit taanganikkut laisiit nutaangguqtauyukhanik.

Talvanga January 2019, tamaita pihimayut taangaliqidjutikkut laisiquaqtut nunaptingni nutaangguqtaagumaplugitlu laisiutait hadja piaqhangguqtut takupkaqtitaulutik Katimayiyimin katimavingmi (talvainnakmiiluni hivayautikkutluunniit) laisiutaa ublua atuqvikhaa qaanggiutinnagu.

Ilitturipkaiyumayut ilauryukhat katimdjutimi laisiquaqtut kangiqhittiariamingnik pitquinitigun malikhugu maligaliqidjutit, avatquttailugitlu ihariahungnik hivuni atuqtakhangmik laisiutait atuguiqvikhaa ublua tikitpat taimaa kinguvaktauhimayut havaktauyaangginni titiqqivilidjutit.

Ihuaqhaqtauffaaqhimayut havaktauyut takudjutiyut nakuuyumik pidjutiyut, taimaatuunggittumik kinggunngani ukiut, 2018 min 19 mun laisiit nutaangguqtaaqtukhanik piqanggittut maniliqinirmun ukiungani.

Katimayiita havaghimmangniaqtut laisiquaqtunut nakuuhivaliadjutikhainnik laisiliqidjutikkut havaanggit atuqpagainlu, niriututlu hivuni nakuuqpiqaqtumik havaktauyaangginik ukiumut tikiliqtumut.

Taangaliqinirmut Laisighat Angiqtauhimayut ukiunggannut 2019 min 2020 mut

Ataani ilangngani 6(3)(a)(i) Taangaliqinirmut Maligaa, taapkuatNunavut Taangaliqinirmut Higaarlungnikkutlu Katimayiita atanniqtuidjutiaqtut tunihinikkut, nutaangguqtaaktirinirmun nuutirinnikkutlu taanggat laisiutainnik.

Malikhugu ilanga 17 *Taangaliqinirmun Maligaa*, tamaita laisiit tuniyauhimayut ataani *Taangaliqinirmun Maligaata* atuqtaulimaiqtauvaktut March 31 ukiuq tamaat, aadlangguqpat kihiani ublua laisiutimi. Laisiqagtut tunihiuqhat ukiuq tamaat nutaanguqfaaqtuqhamik laisimik uuktuutainik Katimayiyimun, nutaanguqfaaahungguyait aippaanguqpat maniliqinirmun ukiunggannut.

Katimayiita nutaanguqtait taangakkut laisikhainut ukiungganut 2019 min 2020 mun ukiunga, nakkuyuqlu talvunamun March 31, 2020.

Laisiup Nampaa	Havakviup Atia	Qanurittuq Laisighaq
001	Granite Nirivik unalu Taangaqaqtut Katimaviit, Discovery Boutique Itiqtivik	Nirivingmi Taanganut Laisighaq
003	BPO Elks Lodge no 570, Iqaluit	Katimavikmi Taanganut Laisighaq
004	Arctic Club unalu Wolf's Den (Kanadami Anguyaqtunut Nayuqvia, Alert-mi)	Niuvvaavikmi Taanganut Laisighaq
008	Frobisher Racquet Club, LTD	Nanminiriyauyumi Ulapqivikmi Taanganut Laisighaq
009	High Arctic Lodge	Aallangayuq Taanganut Laisighaq
014	Royal Canadian Legion Branch no 168, Iqaluit	Katimavikmi Taanganut Laisighaq
017	Frobisher Inn Itiqtivik	Hiniktaqvikni Igluani Taanganut Laisighaq
018	Frob Kitchen & Eatery Nirivik	Nirivingmi Taanganut Laisighaq
019	The Storehouse Bar & Grill Imiqvik	Taanganut Imiqvik Taanganut Laisighaq
020	Arctic Watch Lodge	Aallangayuq Taanganut Laisighaq
023	L'Association des francophones du Nunavut	Katimavikmi Taanganut Laisighaq
025	Anggiyuqqaat Paliihimatkut - Tamainnun Paliihimanun Nirivik (Iqaluit)	Niuvvaavikmi Taanganut Laisighaq
026	Ikaluktutiak Elks Lodge no 593, Iqaluktuutiaq	Katimavikmi Taanganut Laisighaq
028	Dorset Suites, Huit Huit Tours LTD	Hiniktaqvikni Igluani Taanganut Laisighaq
029	Arctic Haven Lodge, Canadian Arctic Holidays LTD	Aallangayuq Taanganut Laisighaq
030	Royal Canadian Legion Branch no 169, Kangiqliniq	Katimavikmi Taanganut Laisighaq
031	The Snack	Nirivingmi Taanganut Laisighaq
032	Nunavut Brewing Company Ltd.kut	Katimavikmi Taanganut Laisighaq
033	Siniktarvik Itiqtivik	Hiniktaqvikni Igluani Taanganut Laisighaq
BP001	Nunavut Brewing Company Ltd.kut	Brewery Anggiqtaudjutikhaq